

百宋樓藏書志

詔宋樓藏書志卷三十

存齋雜纂之六

歸安陸心源剛甫編

史部

地理類二

吳興志二十卷

舊抄本

卷一

唐人權載之序正元十道錄謂言地理者獨魏
公且因許其經濟遠大之業及觀魏公所論六
典地域之差次四方貢賦之名物與夫州郡廢
置山川險阻無一不備然後知載之不妥許可

今州縣之編雖與並載寰宇者不類條目纖悉亦豈易爲苟非其人則詳略勿當是非雜糅何以信後吳興東南最盛處于今爲股肱郡山水清遠人物賢貴宜有大手筆以志其寔左文質統記或謂失之猥并李宗諤所上圖經盼于此者又未免簡脫之病願方欲請于郡一日太守李公耶中偶自言及是且謂郡有博物君子談君監簿慨然以此自任今書成以錢木之資屬歸安周令未幾李公詔還富公寺正來繼又捐金以竟之甚盛事也兆於談君乃同年進士喜

是編出其手因從周令借觀始知郎中除日已屬意乎此大概本舊志參正史補遺訂誤無一不滿人意列二十卷卷各有目數千百年間事了然不疑三輔黃圖殆不是過蓋嘗謂人之筆力根于天性充于學問猶運舟挽鈞力有分量弗可強勉紹興以來亦有好事者續圖經續編志非不盡力如震州荻塘之辨卒亦聽訛而止吁談君誠良史才奚可多得會將推平素學獻華夷編經理中原如指諸掌兆淺學寡聞非敢自齒于權載之列談君事業當超出乎唐魏公

之上於以見是編更數君子而後定歷二賢守
而後傳是豈無待而然哉嘉泰改元臘月郡丞
廣信傅兆敬序

書錄解題吳興志二十卷樞密院編修郡人談
鏞元時撰嘉泰元年也其爲書草率未能盡善
案談鏞字元時歸安人淳熙八年進士新湖州
府志有傳原本久佚此從永樂大典錄出中間
有明志竄入陳直齋雖譏其未能盡善然宋以
前遺文逸事爲勞鉞王珣張鐸栗祁諸志所未
收者甚多足爲攷古者之助

會稽志二十卷 明正德刊本

宋地志子撰

陸游序 嘉泰元年

紹興府今刊會稽志一部二十卷用印書紙八
百幅古經紙一十幅副葉紙二十幅背古經紙
平表一十幅工墨錢八百文每冊裝背 文

右具如前

嘉泰二年五月 日乎分俞澄王思忠具

安撫使司校正書籍傳釋

會稽志二十卷 舊抄本

陸游序

會稽續志八卷

舊抄本

會稽志作於嘉泰辛酉距今二十有五年夫物有變遷事有沿革今昔不可同日語也況城府內外斬然一新則越又非曩之越矣苟不隨時紀錄後將何所攷昔虞翻朱育答郡太守問會稽古今事應對如流纖悉弗遺當時但嘆其碑泐殊不知二公皆人望也其習熟有非一日誤

雖世本中原僑寓是邦蓋有年矣山川風土之
詳人材物產之富與夫事物之沿革變遷曩嘗
訪聞茲又目擊於越事亦粗稔懼其久而遺忘
輒哀輯而彙次之總爲一編曰會稽續志所書
固辛酉以後事而前志一時偶有遺逸者因追
補之疎畧者因增廣之譌誤者因是正之異時
有問我以越事敢執此以謝寶慶元年三月旦
日梁國張湜序

嘉定鎮江志二十二卷

抄本

宋盧憲撰

直齋書錄解題曰鎮江志三十卷教授天台盧
憲子章撰

張氏金吾曰原書不著撰人名氏按直齋書錄
解題載盧憲鎮江志三十卷是書卷五寬賦有
憲謹釋曰云云卷二十一雜錄有憲竊謂云云
卷二十二人物雜記有盧憲論曰云云則是書
爲憲所撰無疑卷十學校載嘉定癸酉教官盧
憲謁廟事則志當成于此時若卷五常賦載及
嘉熙寶祐景定德祐時事蓋後人所增入者首
敘君終拾遺凡七十三門而以郡縣表冠首體

例謹嚴採摭繁富所附按語鉤稽考核亦極精
密兩宋遺文所載尤夥考京口文獻者要必以
是書稱首焉

剡錄六卷

影寫元刊本

明吳方山舊藏

宋高似孫撰

剡錄十卷

文淵閣傳抄本

宋高似孫撰

山陰蘭亭禊剡雪舟一時清風萬古冰雪王謝
抱經濟具二戴深經學奈何純日高逸也嗚呼
山川顯晦人也人顯晦天也天下多奇山川而

一誤一雪致有爽氣可謂人矣江空人物如此
然二戴剡王謝亦剡孫阮輩又剡非天平漢迨
晉永和六百餘年右軍諸人乃識剡永和至皇
宋嘉定幾千年史君尹剡訪似孫錄剡事剡始
有史桑欽水經酈道元注道元魏人先儒辨其
北事詳南事略似孫鄖人也如其精覈俟剡人
宋嘉定甲戌高似孫序

剡在漢爲縣在唐爲岷州未幾復爲縣本朝宣
和間以剡爲兩火一刀不利於邑故更今名邑
舊有鄉四十後分十有三別爲新昌縣今所存

纔二十七鄉耳夫州縣之名雖數變更然山川之靈蓋自若也使剡古而有志則歷代因革廢興之典百世可知也予懼夫後之視今亦猶今之視昔故爲剡錄十卷錄皆高氏所作凡山川城池版圖官治人傑地靈佛廬仙館詩經畫史草木禽魚無所不載度此板可支百年後之人毋以印利而輒廢斯書也宋嘉定八年歲次乙亥縣令鄞人史安之序

赤城志四十卷

明宏治刊本

錢竹汀舊藏

宋史卷一百一

圖牒之傳尙矣今地踰萬里縣不登萬戶亦必
有成書焉矧以台爲名邦且稱輔郡綿涉千歲
迭更數百守而闕亡以詔難之欺抑因陋襲簡
不暇問歟蓋昔有守四人嘗厘其力於斯矣如
尤公表唐公仲友李公兼類鞅掌不克就最後
黃公當辱以命余偕陳維等纂輯焉會黃去匆
匆僅就未備也東其藻十年矣更久則非惟不
備而併與僅就者失之今青社齊公碩始至欲
迄就未暇踰年報政遂復以命余於是郡博士
姜君容總權之邑大夫蔡君範以下分訂之又

再囑陳維及林表民等採益之既具余爲誌沿
革詰異同劑鉅纖權雅俗凡意所爲解者恃故
老故老所不能言者恃碑刻碑刻所不能判者
恃載籍載籍之內有漫漶不白者則斷之以理
而折之於人情事立之凡卷授之引微以存教
化識典章非直爲紀事設也如是者半載而書
成嗟夫同是州也非可成於今不可成於昔也
或曰有時爾昔歐陽公論學慨述吏道以爲有
司簿書之所不責者謂之不急夫豈惟學哉語
以圖牒非不急之尤者邪然而莫與於圖牒莫

謀於簿書有司之所不急固君子所急也今公之爲政也剖叢滌煩燭幽洞隱於有司所急者誠井井矣而於君子所急者尤卷卷焉用能以半載之間初千歲之闕增十年之未備洗數百守之因襲成四人之厘嗟夫此豈以其時哉書成者時也所以成者公之志也其志立則時赴之矣無其志而曰需其時者吾未之聞也豈惟一圖牒爲然天下事皆然嘉定癸未十一月旣望郡人陳耆卿序

今天下郡縣皆有紀錄台獨爲缺典問之故府

則知前乎此者蓋嘗會粹而疎畧未備也碩承
乏之初固雖有志而事力有所未暇越明年歲
以稔告郡家租 支吾於是命郡博姜君延集
人士相與討論而屬事於貧窗陳君閱數月而
後成書吾州在浙左爲佳 孫興公一賦則

知山川之美實甲東南况自晉

今前後曳

組於此多一時名勝士至於騷人墨 搜奇抉
秀皆班班可攷然則是書之作豈特可以

氏之剛雖山川人物亦將由是而發揚

其爲益於台也深矣嘉定十六年

青社齋

缺

謝鐸重刊序

宏治丁巳

錢氏手跋曰此志成於嘉定十六年而第三十三卷載史嵩之鳩杜範事乃在其後廿有餘年文詞亦絕不類蓋明人以意竄入決非壽老元文吾安得見宋槧本而一刊正之乎辛酉六月竹汀居士錢大昕假贖并記

海鹽澉水志八卷

明刊本

宋帝槧

嘗謂六典本作無以攷周家風土之厚薄民物

之耗豐圖籍不收無以知素人山川之扼塞戶
口之強弱此澉水之志不可無也澉水斗大一
隅厥土斥鹵凡邱源之流峙稅賦之重輕道塗
之遠近聚廬之眾寡與夫選舉名數先賢遺跡
素乏圖經茫無可攷叔韶效官于茲甫及半稷
正欲搜訪輿理爲紀載史事鞅掌未暇也竹窗
常棠字召仲寓居是鎮一日告余曰郡有嘉禾
志亦有武源志其載澉水之事則甚略焉使不
討論問兒綴緝成編則何以示一鎮之指掌於
是正訂稽攷集作一經名曰澉水志者蓋水經

所載谷水流爲澉浦者是也召仲其容辭紹
定三年重陽前一日修職郎監嘉興府海鹽縣
澉浦鎮稅兼煙火公事羅叔韶序

紹定三年鎮尹羅儀甫屬余撰澉水志雖一時
編集大略而儀甫滿去竟弗暇聞逾七八政粵
歲旣久訂正尤詳因見邊孫君來此聽訟優長
遇事練熟雖鎮場廢壞非疇幾比然能公謹康
敏明燭隱幽才幹有餘趁辦自足爰割已俸售
募鑄行水軍袁統制聞而喟然曰是書不刊于
奠稅全盛之時乃刊于鎮稅凋弊之後甚可嘉

己銳捐梓料肅贊其成噫元和郡縣志丞相李吉甫所制也後三百餘年待制張公始刻于襄陽今余所編潯水志後二十七禩權鎮孫君卽鏤於時阜則是書之遇知音不又大可慶耶竹窗常案

涪州臨安志六卷

舊抄本 吳兔林舊藏

涪州志

張氏金吾曰原書卷數無攷今存城府山川兩門自卷五至卷十凡六卷題稱臨安志無涪州字樣亦無撰人名氏伏讀 四庫全書總目

云周綜創爲臨安志其後清祐間施錫咸清間
潛說友應事編纂皆有成書今惟潛志尙存鈔
帙周施二志已無傳云云是書所載事迹至清
祐止稱理宗爲皇上其爲施志無疑序述簡雅
徵引該洽所引祥符圖經宋代已佚藉此得稍
存崖略遺文逸詩多有咸清志所未載者書雖
殘闕亦足爲攷證之資也

城府小序曰自古圖謀所載郡國必繫之於山
蓋陵谷之變遷不常而城邑之更易亦異山則
終古表立而攷論輿地者恃以爲識焉錢塘舊

治武林山猶云逼江則今之湖固與江通也華
信作塘乃徙平地則已漸爲陸矣若沙河漾沙
坑與所謂壩頭之類皆古水所及也隋代始州
於柳浦西依山築城嘗慨然求所謂柳浦者已
不可攷而依山所築則今之鳳凰山也治前武
林山治後鳳凰山兩山之間昔水今陸豈非天
所以啟神明之奧乎厥今商邑翼翼四方之極
巍巍煌煌不可尙已抑嘗聞長安之都八街九
陌相爲經緯中爲馳道無得輒行而左右升降
有上下之別是知壯麗以重威矣亦知京兆爲

郡國首矣然馬彥歷舉高結大袖之謠以爲雖
或更不奉法良由慢起京師周良有言尙方今
造一物小民明已聯晚宮中朝製一衣庶家晚
已裁學然則所謂爲四方極爲郡國首者要必
有在而天造地設以成神皋盛大之勢已非一
時一世所積又如是其不易然也故具論之敘

城府第三

山川小序曰蓋嘗登天目山憑仙壇石屋見山
皆西南馳雙溪並趨而合于於滯縣岸粵似少
駐回望天目曾雲中如沈雄古大將按轡其後

山大勢不可遏少決驟已抵臨安縣大官山者
直培壤耳循而至九鑠山蓋略爲盤礴環以天
柱諸峯若暫止息者已而盛赴餘枕下武林靈
隱山始韶秀而山於是左右分北高峯左轉抵
葛嶺下標以保叔塔右轉一支挾南山標以雷
峰塔二塔爲西湖門戶而山特派起爲南高峰
捷以八蟠慈雲諸嶺翼爲七寶鳳凰山昂頭布
尾若翔而集前界大江乃止吁亦誠異矣猶未
爲異也又嘗自黟歙諸山循行括蒼天台皆魁
岸嶄特至沃州下嵎嶻山漸平衍薄雲門會稽

浸以鏡湖纔少舒暢文辭細嘯靡靡至西陵所
謂越王山者旁率諸山咸聳亦界江而止吳越
兩山於是相主賓而溯河衝貫焉然後瞿然嘆
曰山川無情也而天以是爲巧天非能巧也而
氣以是爲會然則氣之所會天不知其爲巧山
川不知其爲情彼大行黃河嵩洛雍涓之勢可
坐想也夫杭之山川其美眾矣大較當以是觀
之敘山川第四

黃氏手跋曰今歲夏秋之交賈人從乍浦韓氏
得書數百種盛稱中多舊志書大都皆余所有

不復過問惟相傳有臨安志六卷本余甚疑之
蓋乾道則太多咸淳則太少遂就賈人處索觀
其書卷中所志淳祐而止余曰是必施諤淳祐
志也賈人初不知因余言遂信之掇與交易云
已售出惜未歸之頃晤簡莊知是書在彼是外
府之藏也常倩胥錄其副一時同人賦詩紀事
簡莊倡而免牀與余和之詢爲藝林佳話云已
巳季冬十有一日復翁書於石泉古舍

陳氏手跋曰吾杭在南宋建都爲臨安府其志
凡三修一爲乾道時周宗漢一爲淳祐時施諤

誤四庫書目提要作施鏞杭莖浦屬樊榭咸一

涪志跋作施鈞今黃澆圖與余定作施諤

爲咸涪時潛說友撰乾道志十五卷久佚同郡
孫晴厓從都下得宋槧本止三卷余曾錄副本
咸涪志百卷秀水朱竹垞從海鹽胡氏常熟毛
氏先後購得宋刻八十卷又借鈔十三卷尙缺
七卷後歸吾鄉馬氏道古樓收藏錢塘吳繡谷
購鈔其半繼而竹垞孫稼翁又以宋槧十七冊
售于同郡趙氏小山堂趙氏復從吳本補錄其
餘未及裝整卽歸王氏寶日軒又轉歸于吳氏
存雅堂乾隆三十八年正月歛鮑綠飲從平湖

高氏得宋槧本二十二冊中間節次缺失而盡
千八十一卷每冊有季滄葦圖記據綠飲跋云
內第四卷至九卷實季氏補鈔中倘理宗爲今
上應是施悌滄祐志屢入餘二十冊紙墨精好
較勝趙氏本而六十五六兩卷又竹垞所未見
也因折去季氏補鈔施志六卷就趙本補錄通
得九十五卷未幾歸于吾鄉吳氏拜經樓餘姚
盧氏抱經堂嘗從吳氏借鈔今爲余所得者也
近客吳中有持書自來者云平湖韓氏出售中
有臨安志四冊因與黃君堯圖亟取觀之書凡

六卷所列山川城府二門雖編爲卷一至六然
前尚有缺卷其紀載至淳祐十一二
年止避諱亦僅及理宗其爲淳祐志無疑殆卽從季氏本
轉錄者乃以厚價收之攷直齋書錄文獻通考
及宋史藝文志皆不著錄而施之字里出處亦
未詳明其時知臨安府事者爲趙與憲志中備
載其建置倉敷設育嬰堂濬西湖開運河諸善
政按宋史云與憲所至急於財利幾於聚斂之
臣而盧熊蘇州府志偶其知平江適郡中饑分
場設粥全活數萬人再守郡行鄉飲射禮于學

宮復修飾殿堂齋廡廣弦誦以嚴教養弟子爲
立生祠熊之言當有所受則志亦未必虛譽兼
可以證史傳異文書雖不全良足寶貴遂與乾
道咸淳二志共藏目爲宋臨安三志并賦詩紀
事嘉慶十有四年冬十有二月海甯陳鱣書

淳祐玉峯志三卷續志一卷

舊抄本

卷 陽羨汝萬頃陳留邊實撰 **續志** 宋陳留邊實
撰

崑山爲吳壯邑地險而俗勁田多而賦重凋弊
積有年矣故於稽古載籍之事多缺焉攷之吳

郡志雖附書一二其詳不可得而聞公澤承乏
學製每與鄉校諸友議斯缺典欲網羅補苴然
方有公事未皇也直學凌君掌儀邊君俱有俊
譽慨爲已任搜訪掇拾斯已勤矣地理標名財
賦之件目嘗與參訂至若廢置因革人物異聞
視昔爲詳將求印證於多識前言往行者俄及
瓜懼失其傳而二君之勞孤矣始錄諸梓以俟
方來庶知今者果不謬古者猶可質云瀋祐壬
子中和節東嘉項公澤謹跋

郡縣必有志狗崑山無之豈前人之長不及此

哉期會之事有急於此則謂之不急也亦宜然
往無所稽來無所據識者每以爲歎永嘉項公
出宰茲邑百廢具興一日下叩匭經事以萬頃
嘗輯敘一二蓋畧焉而未備也掌儀邊君尤勤
於搜訪遂相與編次期年乃成本古今郡志所
附而益以耳聞目見之可攷者大槩公之修創
增益爲多昔人以笏比甘棠後之覽者猶笏然
則是志爲不徒作矣博雅之士尙訂正之松臞
凌萬頃叔度書

玉峯有志尙矣洎祐王子編類於邊君直學之

筆刊錢傳信距今逾二十稔咸淳壬申余捧檄
代庖斯邑繙閱是書頗有遺佚若派買之公田
撥隸若學校之創主學建直舍或述前輩之詩
而曰載諸雜詠者爲不見全璧之歎或題掄魁
之名而不編入人物者有幹乘周鼎之疑是皆
累於時之所不及失於見聞之所不逮耳余因
以續志屬之邊君邊君曰某有志於此久矣敢
不自力乃會粹古書搜覽今籍三閱月而書成
增入者三十餘條改定者二十餘條混混乎風
土之攸宜總總乎事物之備舉理該文核綱舉

目張其長公訓導銓釋雜詠亦一新之余重鄉
拜觀不忍釋手謹命工繕梓以壽其傳後之覽
者與吾同志嗣而續之庶斯文之不泯也是歲
中秋日合沙玉淵謝公應謹書

石湖先生志矣郡嘗與龔滕周三君子相詮次
有某人持其事求人志不得遂諱曰志非石湖
筆也石湖嘆不辨崑志之作向出於二人之手
事詞或未一今夏不揆續修將以釐前誤而紀
新聞或有議其擅者其與議吳志者若相反焉
於此可以知後進之視先達天地之相遠絕也

於其錄梓之畢書以自訟此意邊實謹書

擊經室外集玉峯志三卷玉峰續志一卷宋凌
萬頃邊實同撰萬頃字叔度景定三年進士本
陽羨人因其父壻於崑山顏氏因家焉邊實陳
留人其高祖始遷崑山詳前志邊愔德傳而續
志又復爲自序一篇誇其家世玉峰本崑山地
宋南渡時始析爲縣卽今之嘉定是也志中所
載沿革風俗以及人物古蹟甚悉宋元時崑山
志乘世不多得是冊足備一方之文獻也

景定建康志五十卷

影宋抄本

王西莊舊藏

周應合修纂
承直郎差充江南東路安撫使司幹辦公事

郡有志卽成周職方氏之所掌豈徒辨其山林
川澤都鄙之名物而已天時驗於歲月災祥之
書地利明於形勢險要之設人文著於衣冠禮
樂風俗之臧否忠孝節義表人材也版籍登耗
攷民力也甲兵堅瑕討軍寔也政教修廢察吏
治也古今是非得失之迹垂勸鑒也夫如是然
後有補於世郡皆然況陪都乎昔忠定李公嘗
言天下形勝關中爲上建康次之自楚秦以來

皆言王氣所在句踐城之六朝都之隋唐而後
爲州爲府爲節鎮爲行臺五季僭僞睨消是開
吾宋混一之基南渡中興此爲根本章往考來
圖志宜詳於它郡而乾道有舊志慶元有續志
皆略而未備觀者病之慶元迄今逾六十年未
有續此筆者寶祐丁巳光祖蒙恩來司留鑰因
閱前志編摩在念一年而勸民二年而整軍三
年而易閩荆州未暇也已未重來汲汲守禦補
尺籍治戰艦備器械固城池日不暇給未幾鼓
柝驚濤風餐露馳於舒蕪江黃之間往復無慮

數四元勳振旅長江肅清光祖始得少休于郡
興滯補弊之餘爰及斯文有幕容周君應台博
物洽聞學力充贍舊嘗爲江陵志紀載有法乃
以是屬之開書局于郡圃之鍾山閣下相與研
古訂今定凡例而裒篇佚先爲留都錄四卷隆
炎創興之盛宮城建置之詳與夫雲漢昭回之
章皆備錄焉揭爲一書之冠冕其次爲地理圖
爲侯牧表爲志爲傳合爲五十卷表起周元王
四年越城長干之時以至于今千七百年經
類緯曰時曰地曰人曰事類之所由分也志凡

十一曰疆域二曰山川三曰城關四曰官守五
曰儒學六曰文籍七曰武衛八曰田賦九曰風
土十曰祠祀傳凡十一曰正學二曰孝弟三曰
節義四曰忠勳五曰直臣六曰治行七曰耆舊
八曰隱德九曰儒雅十曰正女大略備矣始于
三月甲子成於七月甲子獻之天子玉音嘉焉
用不敢闕傳之無窮補其缺遺續其方來則有
望於後之君子景定辛酉歲良月初吉觀文殿
學士光祿大夫沿江制置大使知建康軍府事
兼管內勸農營田使江南東路安撫使馬步軍

都總管行宮留守節制和州無爲軍安慶府三
邵屯田使暫兼淮西總領金華郡開國公食邑
三千戶食寔封六百戶馬光祖書

進建康志表曰臣光祖言鍾阜帝王之宅忝備
居留職方土地之圖輒成紀載敬哀竹簡冒微
颯宸臣光祖惶懼惶懼頓首頓首竊以紫蓋東
南執雄建鄴青山表裏景似洛陽吳晉以來皆
號京畿秦楚之間已占王氣洗前日六朝之陋
肇吾宋萬世之基歷數有歸太陽升而燭火息
神武不殺膏澤下而江水清爰重異洲遂開節

鎮嘉祐之進大國龍飛猶軫於初潛紹興之創
新宮馬渡喜逢於再造發天作地藏之勝著祖
功宗德之隆建邦設都非列城之能擬詔今傳
後豈鉅典之可虛臣叨佩玉璽密瞻銅鳳職在
承流而宣化法當章往而開來闢治八年而重
臨曷報恩徽之厚圖經三歲則一上敢違令甲
之嚴通選幕僚恪修郡乘揭垣根而首錄昭弁
冕之常尊諸地請邑訂城繼加銓次十表十志
十傳序列編摩四八萬言皆聚此書千七百禩
如指諸掌辨山林川澤之名物粹衣冠禮樂之

風流善有勸而惡有懲往者過而來者績茲蓋
伏遇皇帝陛下性明日月道整乾坤帝書九丘
言九州聖學夙深于稽古天下一日行一遍遠
模蓋得於傳家運藝祖仁皇高宗之心兼創業
中興太平之事既徹疆于江表行復境于關中
臣未能刊涪溪之碑且此效雍州之錄漢光投
戈講藝願益恢輿地之披周宜備器修車何但
美東都之會所有新修景定建康志五十卷計
四十六冊謹隨表上進以聞臣無任瞻天望聖
激切屏營之至臣光祖惶懼惶懼頓首頓首謹

言景定二年八月日觀文殿學士光祿大夫沿江制置大使知建康軍府事兼管內勸農營田使江南東路安撫使馬步軍都總管行宮留守節制和州無爲軍安慶府三郡屯田使暫兼淮西總領金華郡開國公食邑三千戶食寔封六百戶臣馬光祖上表

獻皇太子賤右光祖伏以龍盤勝地叨分居守之符鶴禁麗天輒獻職方之乘旣先墮於丹扆敢繼徹於青闈光祖惶懼惶懼叩頭叩頭惟建業之名區寔仁皇之潛邸前收圖於開寶聰明

神出不殺者夫後駐蹕於建炎險阻艱難備宮
之矣再造中天之業永垂萬世之基光祖筭鑰
才卑甕旒恩大承流宣化改忘載筆之勤攷古
訂今庶遂缺文之備恪遵著令悉上送官茲蓋
伏遇皇太子殿下恭敬溫文賢聖仁孝行必正
道宮中膏粉於觀書建以元良天下咸安於主
器凡屬乾坤之內宜周日月之明光祖俯效編
摩仰神省覽星重耀海重潤益綿景祚之隆車
同軌書同文行復輿圖之盛所有新修景定建
康志四十五冊謹薦殿上獻瞻望宮庭下情無

任激切屏營之至光祖惶懼惶懼叩頭叩頭謹

晟景定二年八月 日具位馬光祖上牋

景定二年九月十七日恭奉聖旨宣諭茲披來
奏備見勤忱列郡志以善編總封疆之在目深
勞良纂殊用歎嘉臣光祖頓首頓首謹錄

周應合修志本末

案卷中有甲戌榜眼光祿卿章王鳴盛印西莊
居士四方印

頤宋樓藏書志卷三十一

存齋雜纂之六

歸安陸心源剛甫編

史部

地理類三

景定嚴州新定續志十卷

文淵閣傳抄本

宋鄭瑤方仁榮撰

方逢辰序曰郡之有志所以記山川人物戶口田賦凡土地之所宜也嚴於浙右爲望郡而界於萬山之窟厥土堅而隔上不受潤下不升鹵雨則潦霽則槁厥田則土淺而源枯介乎兩

節節級級如橫梯狀其民苦而耐其俗嗇而野
其戶富者畝不滿百其賦則土不產米民僅以
山而入帛官兵廩率取米於鄰郡以給而
百姓日糴則取給於衢婺蘇夸之客舟較之湖
右諸郡其等爲最下下而嚴之所以爲望郡而
得名者不以田不以賦不以戶口而獨以雲山
蒼蒼江水泱泱有子陵之風在焉郡志自淳熙
後缺而不修者距今七十餘年矣吳越錢君可
則以太府丞來守嚴政事之暇爲之訪蒐以補
其缺編削訖事走書屬予爲序予謂嚴爲我太

宗皇帝高宗皇帝建旄之地今皇儲賜履之封
則一郡之山川人物風俗戶口田賦職方氏皆
欲究知之矧惟天子聖明勤恤民隱凡州牧之
出辭入覲必詳訪焉是編之作非惟可以備顧
問亦可以少助宵旰民瘼之萬一也

案原本缺此序從蛟峯集補

咸淳臨安志九十五卷 舊抄本 盧抱經手校

宋潛說友撰 闕卷六十四卷九十卷九十八

至一百凡五卷

恭維聖宋受命奄旬萬方大明中天燭燐自息

迺太平興國三年吳越以其地歸我職方氏是歲杭始置守丞建炎陞府遂爲行在所按古志杭舊屬會稽禹於此舍航而陸故名恭聞光堯大駕初臨登郡治中和嘗作爲歌詩慨懷夏后氏之烈聖心曠數千百載而神交固有幾乎禹蹟之外其亦見夫流風蹟俗得過化之所存而有感焉耳嘗試觀之有車船檣楫之蹟故其人至於今忠以勤有苗山封爵功德之會故其人至於今勸於爲善有織貝橋袖之貢故其人至於今知尊君而愛親錢氏生長其間性習自然

國三世四王而終不失其臣節迨宋之興也深
察夫人心歸德之天如川斯赴莫之能止則一
且決然舍去其固有之業以委命于朝忠懿誠
忠矣抑杭之人何莫非忠懿天地之間燥溼風
雲萬物一氣杭獨空十字之所漸者遠知帝王正
統所在焉故也自國家眎之如在甸服率選空十
字地大故要必有所甚重者湛恩釀化涵浸滋
久益固結而不可解南渡艱難之際旄倪提攜
左簞右壺牛酒相屬于道頓首六蚪之下如見
父母誓有殞無貳雖屢更大震憾而莫之變迄

用承我命於茲新邑迹是三百年間杭之有功於國家也甚大而祖宗之有德於杭亦深矣開慶羣小誤國召戎一時謀臣或倡異議幾搖根本賴先皇帝蔽自上志獨倚今太傅辯章國公外頓八紘內維九鼎宗廟社稷之靈恃以寧妥卒之披攘蒙露再奠宇宙至今八街九陌歌舞四時往往相與咨歎不圖復見今日烏乎我理宗有德於杭也不又大歟杭之福諸夏之福也肆皇上克篤前烈宅中圖大不以愚臣爲不肖命殿是邦幸遇朝廷治平年穀屢登浩穰之府

化爲簡淨因得以蓋其疵糝暇日視故府閔郡
乘或病其漏且舛乃葺而正之增而益之凡爲
圖爲表爲志總百卷而冠以行在所錄尊王室
也既成上之天府以備政教之萬一也禹貢稱
冀州既載釋者謂以貢賦役事載之書其于天
子所自治之國謹重固如此九州攸同言歸舊
京聖子神孫尙克念我光堯懷禹之遺志云中
奉大夫權戶部尙書兼詳定敕令官兼知臨安
軍府事兼管內勸農使兩浙西路安撫使馬步
軍都總管兼點檢行在贍軍激賞酒庫所繕雲

縣開國男食品三百戶臣潛說友謹序

盧氏手跋曰乾隆三十八年始鈔是書不得別本詳校鮑君以文出其所藏宋刊示余乃知外間本皆爲俗子刪節買亂少有完者因借以校此本庶幾復其舊觀云甲午二月二十一日范陽盧文弨懋恭書于金陵之寓齋

咸淳臨安志九十五卷 宋刊本 朱竹垞舊藏

宋潛說友撰

自序

黃氏手跋曰余向購得抄本咸淳臨安志較朱

竹垞集中所跋本多二卷六十五六十六是也
抄本出盧學士抱經校本云從鮑以文所藏殘
宋槧本補錄者然則潛志宋刻流傳非一也每
從藏書家訪問知竹垞藏本尙在杭州偶遇杭
友曹竹林詢悉是書卽其親戚所藏屬伊訪求
已閱三四載矣今秋九月上旬以樣本示余予
一見信爲宋刻善本每本部葉有楷書細目似
國初人筆或卽竹垞舊藏亦未可知物主有謙
價及書中刻抄原缺細數兩紙自署曰知稼主
人未識誰何而於書中面目開列明哲當是藏

書故家既晤竹林乃知此人王姓學增其名一
貧孝廉此書久質他姓茲因明年計儲售去以
爲行資故特送覽以報昔日之命但百二十千
缺一不可余耳談是書久急出錢易之全書卅
冊既來費半日功緝閱一過內紙色黃者與白
者有兩種黃紙墨氣較好皆是宋刻原本一卷
八十一卷至八十九卷皆抄餘卷中間有一二
抄補之葉悉屬影寫故刻工姓名及所刻字數
上下略具似非無據者其六十四卷至六十六
卷九十卷九十八卷至百卷仍闕如也因思曝

書亭集跋語云予從海鹽胡氏常熟毛氏先後
得宋槧本入十卷又借抄一十三卷其七卷終
缺焉今刻本入十三卷抄本十卷似非竹垞故
物然查德尹查情輯聞云杭州府志在宋則淳
祐志咸淳志清祐施已不復存咸淳則竹垞先
生與當湖高詹事奇合成若干卷尙缺十卷查
所云缺者當是原闕七卷之外所抄十卷似與
余今所見之本合查又云紙色墨香與書法之
美真目所未覩予今所見本亦然其爲竹垞故
物無疑再檢杭大宗道古堂集有跋云書凡百

卷舊藏花山馬氏吾友吳君尺鳧以二十千購抄其半其半則得之王店朱檢討家碑刻七卷仍缺如也好事者往往從吳氏借抄抄胥憚煩每割去大文長記以是世鮮善本辛亥歲同在志局尺鳧攜是書來予與趙子誠夫共相參校乃得睹悉真贋輒歎求書之難適檢討孫稼翁以宋槧十七冊求售亟從臆誠夫以三十金易之由斯以觀竹垞故物本在杭州今是書果輾轉流傳而出者歟惜卷數冊數今昔多寡分合又有不同豈後人之所爲抑或前人稱之不得

其實乎唯所缺六十四至六十六爲人物九十九十八九十九爲紀遺中之紀事紀文一百爲紀遺中之歷代碑刻目宋本原目具志中枕云碑刻七卷仍缺如也未免考之不的爾今書中藏書印黃紙者均有一大印二小印大印爲高平家藏小印一爲朝列大夫之章一則加印於舊印之上模糊莫辨似爲國朝三代先顯白紙者卷七十五至卷八十首末皆有汲古毛氏印古籍流傳原委有自洵可寶也得書前夕鮑丈適來晤言及此云向所得殘宋本在吳兔牀處

兎床子亦往來擬作札商之或二卷宋刻可得
豈非盡美哉嘉慶三年歲在戊午季冬月中泮
八日雨隄剪燭書棘人黃丕烈

又曰歲庚申春從吳兎牀處借得六十五六十
六卷仍係抄本旁有知不足齋影宋鈔字樣當
非無據也爰屬西賓顧澗蓺傳錄俟裝潢時一
併補入頃鮑綠飲來訪談及是書遂取示之問
其在杭州曾見過此書否綠飲云書雖未見然
聞其爲黃姓物所稱知稼主人嘗用宋人知稼
翁故事則竹林傳述以爲王姓者誤爾又詢其

所多二卷宋刻何在云在孫氏蓋鮑得此書有
兩部一歸孫一歸吳吳之二卷卽從孫之二卷
影寫者以之補闕尙非不知而作云五月朔坐
雨讀未見書齋書此莢剛

又曰王戊從都中買夏季指紳偶見浙江寧波
府定海縣復設訓導有王學增其人始知竹林
之言爲不謬而絲依所聞爲未確也古書源流
余喜考訂故一藏書之家而必求其實如此

又曰此書收藏已閱五載矣原裝三十冊墨做
紙淪幾不可觸手今夏六月始命工重裝細加

補綴以白紙副其四圍直至冬十一月中竣事
裝潢之費復用去數十千文可云好事之至矣
分裝四十八冊以原存部面挨欠裝人俾日後
得見舊時面目其中除六十五六十六新抄外
尚有舊鈔幾卷擬仍訪諸兎牀或有宋刻可校
豈不更善乎壬戌季冬堯翁黃丕烈識

案每頁二十行每行廿字小字雙行板心有字
數及刻工姓名卽百宋一屋賦所謂臨安百卷
分豆剖瓜海鹽常熟會葺竹垞者也

宋史之選

毗陵有志舊矣歲涓祐辛丑余尉武進時宋公
慈爲守相與言病其略也俾鄉之大夫士增益
之計書成且有日越三十年余承朝命長此州
取而閱之則猶故也嗜豈職守之遵緘不常而
郡事之鞿鞜靡暇是以久而莫之續耶抑有待
而然耶夫周官土訓掌道地圖以詔地事以辨
地物以詔地采蓋將使來者有考也而可忽諸
毘陵自晉改邑爲郡至唐易郡爲州代更五季
民竄於兵宋奠九堰江南旣平郡始入職方氏

一馬渡江之後錢唐爲天子行在所繇是與蘇湖秀均號古扶寰宇記所謂人性吉直黎庶愜遜其所從來古矣今山川暎發民物殷蕃謹因封圻爲國之屏壤地非小弱也而郡志弗續非闕歟迺命同僚之材識與郡士之博習者網羅見聞收拾放失又取宋公未竟之書於常簿季公之家說者正略者備缺者補蓋閱旬月而后成雖然余豈掠美者哉事患不爲爲而無不成余之續之所以成前人之志而廣異日之傳云爾後之攬者亦將有感於斯咸循四禩月正元

日四明史能之敘

案史能之鄞縣人淳熙元年進士彌鞏子也附見宋史史彌鞏傳毘陵志創于教授三山鄒補之見直齋書錄解題咸淳四年能之守郡重修原本三十卷每葉十八行每行二十字版心有字數刻本存卷七至十九又第二十四卷餘抄補卷十二第四頁後缺末葉有剝痕所缺當不少卷十三缺第十三頁常州新刻本以卷十二頁之末頁爲第五頁與第四頁沿江民兵接以卷十三之第十四頁爲十三頁與上頁兔絲子

接若非此本僅存無從知其缺佚矣重刻本從
元延祐重刻出此則咸淳原刻也藏書家罕見
著錄惟查夏重蘇詩補註厲太鴻宋詩紀事徵
引及之

嘉禾志三十二卷

舊抄本

元徐頊撰

圖志之書古史筆也成周職方掌天下之圖外
史掌四方之志事亦重矣嘉禾爲志何昉乎猶
記袁似衡爲郡治中其家富有古書江浙圖志
無不備獨禾與闕然非闕也禾興經邑爲州才

三百載五代至宋初皆倥傯不暇眞宗景德四年嘗詔諸道修圖經僅得海鹽一志而已瀋熙甲午郡守張元成始延聞人伯紀爲郡志此作古也前乎伯紀所謂舊經雖博覽之士無所見其簡略可知後乎伯紀郡守岳珂嘗命鄉先輩關表卿重修且編檄諸邑搜訪古跡可謂勞於用力書未成而勅翁改調上而無紀錄之冊可參次而無老成之士可質又次而無賢子弟可詢其家世其欲正譌補闕豈不難哉仰惟皇帝考圖敷貢自北而南此不容于浸廢往者郡經

歷單君慶因請重修郡博士徐君碩承命屬筆
搜獵散亡其綱正其篇目加多既完矣而母正
之板則未也萊山劉公傑來殿是邦路推翟公
汝弼啟其議諸路官又相其成可謂是書之幸
夫圖志重事也其存亡夫豈偶然雷次宗非無
豫章紀洪駒父求之不得見范石湖非不彙吳
郡志以妄議而不得刊今嘉禾志闕而全絕而
續郡侯其有功矣哉昔竇德元不能對帝正之
問人到於今陋之今郡人得是書可以不爲德
元矣余故喜爲之辭至元戊子孟夏里人郭晦

序

郡有志倣九丘遺意也書以志名凡一郡之事皆在所當錄豈特土地所生風氣所宜而已哉嘉禾在春秋爲橋李至吳黃龍三禩以禾生由拳野故名自春秋距今千七百餘年其間有沿革有革有廢有置世道污隆之故人物盛衰之由與夫山川風景之所以殊郡邑事蹟之所以異其可紀者何可勝數而舊志多簡略弗載宋嘉定甲戌郡守岳侯珂悼前聞之遺闕嘗命鄉先輩關表卿杖任行人子羽之事編稿將上而岳

侯去鄉論惜之越六十三載皇帝撫有江南寸
天尺地無一不入版圖內乃至元甲申克齋單
公慶來佐郡幕公餘過從輒清談竟日每喟然
嘆曰圖志三歲一上法也此邦自總府開藩亦
既數年而郡志未備非闕典歟遂創議檄委郡
博士徐君碩重加修纂君承命惟謹網羅散失
抉剔幽眇考古訂今哀集會粹曩之爲卷者五
今之爲卷者三十有二曩之爲門者二十有五
今之爲門者四十有三彪分臚列此志得爲全
書徐君之用功亦勞矣編成而萊山劉侯傑實

來一日噦驚戾泮路推良佐翟公汝弼以是白
侯侯喜退而說於同列同列亦喜亟命工刻諸
梓時與人會事與機投莫不慶是書之遭昔張
茂先志博物士歆其才蕭相國收圖籍史牒其
識向非侯有相國之識思以知其戶口爲急務
則此志編而不刊與不編等徐君雖有茂先之
才其何以自見是舉也侯既能俾創議者不至
爲岳之中沮又能俾修纂者不至爲關之徒勞
侯亦賢矣哉侯不鄙屬余序奚敢以老鈍辭雖
然此一郡事也侯賦政于外屢殿名邦入坐廟

堂將以均四海為已任他日志與地志九域必

有能紀侯之勲業者侯其勉之至元著雍困汝

孟夏朔日里人前進士納軒叟唐天麟書

至順鎮江志二十一卷 舊抄本

人物

張氏金吾曰按至順時鎮江路總管府達魯花

赤曰明里答失至順二年六月七日代曰狗兒至順二年六月七日

至總管曰脫因至順元年十一月一日至曰兀都馬沙至順四年

正月十日脫因下備載祖父名位爵諡及脫因歷

官始末較他人特詳其時之參佐則趙禹珪王

傑孔世英學官則韓琪徐圖或者脫因任總管
時命僚屬所修歟始敘郡終考古凡一百門而
亦冠之以郡縣表徵引詳贖敘述該治土產貢
賦兩門臚陳名狀尤爲賅備至于郡守參佐遺
溯六朝鄉賢寓公近蒐元代與嘉定志互相補
苴是亦足以相輔而行矣

案俞希魯字用中鎮江人父德隣爲宋室遺老
希魯學業浩博淵貫羣籍境內碑碣多所撰述
與青陽夢炎謝震顧觀號爲京口四傑以茂才
除慶元路教授善于啟迪擢歸安丞築海鹽塘

費省而民不勞升江山令改永康遷松江府同
 知所至葺廟學聘名儒講說平民徭役卒年九
 十著有竹素鈞元二十卷聽雨軒集二十卷見
 嘉慶丹徒志乾隆鎮江志原本不著撰人名氏
 考成化鎮江志丁元吉序曰勝國俞用中至順
 志例加精密乾隆志俞希魯傳云至順中嘗著
 郡志序事精密則此志為俞希魯作無
 類編長安志十卷 舊抄本 萊竹堂舊藏

京兆路儒學教授駱天驥纂編開成路儒學
 教授薛延年校正

雍之長安其來久矣乃古之鄉聚名在豐鎬間
周秦時已有之李善西都賦注漢高帝都關中
築宮城擇嘉名可長安於子孫故曰長安城可
長樂於宮室曰長樂宮長安之名自此始著宮
室記曰秦之咸陽北至九峻南至南山東至河
西至汧離宮別館相望聯屬木衣綈繡土被朱
紫宮人犬馬不移樂不改懸窮年忘歸猶不能
遍至漢武廣開上林苑中有三十六宮二十二
觀秦之故宮莫不增葺秦迄今寥寥千五百載
兵火相焚蕩宮闕古蹟十亡其九僅有存者荒

臺廢苑壞址頽垣禾黍離離難以詰問故老相傳名皆訛舛如秦莊襄王陵爲韓信冢漢長安城爲陽甲城隋太極殿基爲走馬樓董仲舒墓爲蝦蟆陵漢武太一谷爲炭谷唐興慶宮爲九龍池雖有舊記各紀一時之事其沿革互換之名各不同宋敏求編長安志自周秦至唐宋唐京兆府管二十三縣宋永興軍領十三縣華耀乾三州鳳翔一府闕商同二州華止有渭南蒲城兩縣被稱一名今爲三縣漆沮二水同爲一河漆出耀州俗號石州河至櫟陽南交口合渭

沮出同州號洛河三合口合渭相去百餘里爲
漆沮一河其故事散布州縣難以檢閱僕家本
長安幼從鄉先生游兵後關中前進士碩儒故
老猶存百人爲士林義契耆年文會講道之暇
遠游樊川韋杜近則鴈塔龍池其周秦漢唐遺
址無不登覽或談故事或誦詩文僕每從行故
得耳聞目覩每有闕疑再三請問聖元皇子安
西王胙土關中至元癸酉創建王府選長安之
勝地王相兼營司大使趙以僕長安舊人相從
遍訪周秦漢唐故宮廢苑遺蹤故蹟自豐鎬阿

房未央長樂太極含元興慶魚藻靡不登歷是以長安事跡足履目見之熟從心之際每患舊志散漫乃剪去繁蕪撮其樞要自漢晉隋唐宋金迄皇元更改府郡州縣引用諸書檢討百家傳記門分類聚并秦中古今碑刻名賢詩文長安景題及鴻儒故老傳授增添數百餘事哀爲一集析爲十卷目之曰類編長安志覽之者不勞登涉長安事迹如在目前豈不快歟老眼昏花中間多所脫略訛錯更竢好古博雅君子改而正之元貞丙申中元日藏齋遺老駱天驥引

長安古都會也自周秦漢魏已降有國者多建
邦於此所以山川之形勝宮室之佳勝第宅之
清勝丘陵之名勝爲天下最以其歷代沿革之
不同互換之或異有好事者爲書以志之如三
輔黃圖三輔決錄西京雜記關中記景龍文館
記等書或失之於繁或失之於簡莫如長安志
之詳且盡也然或問一山一水一臺一榭茫然
莫之能對良由卷軸之多分布散亂未能詳涉
而遍窺也學者病之藏齋先生駱公飛卿辭聲
利而遠市朝老於翰墨者也讀書樂道之餘取

長安舊志前後二十卷十萬餘言門分而類別
之使水能會涇渭灞滻之名山能萃太華終南
之秀几都邑宮觀工陵墳衍沿革興廢之名賢
豪居處之迹士夫經行之地僞人題品之文各
注於下棊布星羅若網在綱有條而不紊書成
或病其碎愚曰世之類書多矣如儀禮則指某
事而必窮其源通典指某事必盡其要通鑑事
總韓柳文類皆此意也儻人物混則孰能辨夷
夏之殊五穀雜則孰能辨菽麥之異且志曰方
以類聚物以羣分不如是則不能成治道而贊

化育也物且如是書何不然若鋟木以行使游
秦者不勞登涉而知地理之詳未至秦者得觀
此書日下長安宛在目前矣又不可謂秦無人
焉大德戊戌清明后二日安西路儒學教授鹿
溪賈馥文裕序

九丘有書九州有貢地理有志寰宇有記皆四
海之學也或有山崩川移陵遷谷變歷代沿革
隨時廢興所以不能必主其名儻非識究堪輿
學探今古至有皓首弗克致其知者方輿雖未
遍覽而所居鄉國情然未知可乎哉京兆教授

駱飛卿長安故家也嘗集先儒舊志并古人詩文從游前輩周訪卿老其所得者具載無遺目曰類編長安志而廢殿荒陵離宮別館城郭之損益州郡之變更脫遺者增補訛舛者訂定駱公自序已詳之矣茲不必云較之舊志一完書爾長安古都會也是編或平居暇日披翫於几硯之間其周秦漢唐遺蹤故實不待諮訪一一可知足跡未及如在目前使居是邦者胷中了然問無不知亦士君子之一快也駱公用心仁矣大德戊戌夏四月中浣日前翰林直學

士太中大夫安西路總管兼府尹諸軍奧魯管
內勸農事山木老人王利用序

張氏金吾曰是書取宋敏求志刪去繁蕪撮其
樞要增入金元沿革分門類聚故曰類編宋元
地志大江以北自齊乘外無一存者是書雖以
古蹟爲主凡州郡之變更城郭之遷移以及山
川名勝宮室第宅邱陵冢墓與夫古今興廢之
殊名賢游覽之作無不備錄又附之以紀異辨
惑而以石刻終焉則列之郡縣志中當無不可
所採如地理叢編三輔會要今且無有知其名

者金元詩文所載尤夥俱足以資參考是書也
非所謂絕無僅有者歟卷首題薛延年校止延
年當卽注人倫大統賦者文淵閣書目棗竹堂
書目俱著錄此本有葉伯寅圖記及葉氏藏書
印記知卽棗竹堂舊藏本也

前宋樓藏書志卷三十二

存齋雜纂之六

歸安陸心源剛甫編

史部

地理類四

昌國州圖志七卷

影寫元刊本

元馮福京等撰

請修志疏曰照驗所在路州縣府皆有圖經獨本州未曾有作兼舊縣志板亦無存其民戶所藏之本已兩次蒙上司搜訪去訖近本州判官廣行物色牒發到一本亦將腐壞若不啟請本

州者儒因此重行編撰遂成闕典除指揮吏房將合照用文卷應副及官吏各裒清俸召募工匠刊造外須至疏請卽望諸儒早行撰述謹疏

大德二年七月日登仕佐郎昌國州判官馮福京散武校尉同知昌國州事張世榮武略將軍昌國州知州趙伯元武略將軍昌國州達魯花赤阿魯吏目劉傅祖疏

史所以傳信傳而不信不如亡史故作史者必擅三者之長曰學曰識曰才而後能傳信於天下蓋非學無以通古今之世變非識無以明事

理之精微非才無以措褒貶之筆削三者缺一不敢登此職焉然而有天子之史有南侯之史晉之乘楚之檇杞魯之春秋是諸侯之史也後世因之郡各有志所以備天子史官之採錄亦豈可易爲哉若昔素王刑賞二百四十二年列國之君臣游夏且不能贊一辭司馬氏以良史才而作史記議者猶謂十二諸侯年表爲殺亂於聖經然則侯邦之志亦以記事纂言也而可爲易哉往宗末運人主好諛宰相導諛士大夫習設內外遂以成風操史筆者多患得患失之

夫希合願望不惟泯其實以誣公朝之是非抑且駕其虛以騁私意之向背故光寧理三朝之史皆權臣黨與之蕪辭而郡縣間一時之志亦侯牧誇張之誕筆今宋史既與國偕亡惟志書之見於郡縣間者版籍所計或以寡爲多風土所宜或以亡爲有形勢所在或以險爲夷貢賦所出或以儉爲泰評人物則多過情之譽陳民風則少退抑之辭粧飾富麗競爲美觀詳覈其實百無一二苟上之人按其圖數其貢流毒貽害可勝言哉昔蕭何入關收秦圖籍文書具知

虛實險要用以相漢厥功茂焉籍使今世或有
踵蕭何之智信往宋所存之說載責其實於天
下郡國豈不敗乃公事余蓋以悲世變之至宋
獨圓籍文書一事鑿空駕僞顧不如秦之猶爲
務實而且貽禍於來世蒼生也昌國中海而處
山縣陞州而州志不作此固僕所吏不知稽古
之務而爲士者亦有罪焉余來首訪圖經徒起
文獻不足之歎越歲餘始於里民購獲其籍大
率浮誇如前所云議欲刊削且書混一以來之
沿革既以投州之文學士屬余往吳中此書遂

廢今瓜戍已踰滯留臥疾豈其機乎乃趣學宮
据摭舊載芟其蕪默其不實定爲傳信之書使
州之缺文善於所補以俟掌建邦之六典者採
焉故序作史之大略與異時文勝其質之流弊
俾二三子知所治擇而復有以告之孔子曰吾
猶及史之缺文也嗚呼史缺則紀綱將版蕩而
無稽是豈斯民之幸聖人猶幸缺文之及見者
蓋逆知他日諸侯惡其籍之害已而去之也今
余於舊志得之旣難本復無二二三子不亟圖
之余幸而受代則是籍之存於有司者幾矣嗚

呼猶欲及於缺文得乎大德戊戌七月朔日滄
川馮福京序

州學前直學許佺 平江路嘉定州儒學小學
教諭應秀方等書寫 州學直學黃介然 前
恩免進士州學應天定 前從事郎州學訓導
官孫唐卿等點

昌國州志成於是鄉儒而耆者之編視舊志寓
詳於約有是事則有是辭凡異時荒唐繆悠之
載悉皆刪去而其良法美意則謹書之子曰殷
因於夏禮所損益可知也周因於殷禮所損益

可知也猗歟盛哉聖朝本三代之仁是用車書
混一統綱制度以漸舉行觀是集者亦粗可知
是州之所損益也志之成實達魯花赤阿魯

之力皆可書戊戌之秋八月告朔馮

福京跋

昌國州圖志板五十六片 雙面五十四單面
二計印紙一百零十副永爲昌國州官物相沿
交割者大德二年十一月長至日畢工

前鄉貢進士郭薦等右薦等伏準使州旨揮發
到馮州判所收昌國縣志一本俾薦等重行編

畏仰見使州官不以簿書期會之勞而廢

文物之務甚盛舉也

書所以

備太史官及觀民風者之所採錄非老於文學
其誰宜爲 因辭而不獲輒操筆札以

其實舊志之不闕於名教不係

並皆刪去

計一百丹八紙隨此繳申伏乞

詳施

行須至呈者謹具呈大德二年七月日

前岱山書院山長俞 州學賓正許 前鄉貢

進士州學舉事陶椿卿 前免解進士州學應

天定 前從事郎州學訓導官孫唐卿 前太
學進士州學教授應季挺 前童科進士翁洲
書院山長應翔孫 前鄉貢進士鄞縣教諭郭
薦

四明志二十卷

影寫元刊本

錢竹汀舊藏

元表稱按

自序

按原本二十卷闕卷九至十一三卷

四明續志十二卷

舊抄本

馬笏齋舊藏

近江元界版

道地圖道方志先王立國之本也辯封域謹職
守司徒立政之要也四明爲剡東望郡藩岡所
鎮巒嶽所通風俗所會土地所宜人物之所輦
出山林川澤丘陵墳衍原隰名物之所當周知
宋寶慶間有志暨入國朝當延祐庚申殆將百
年城邑改觀時俗因革未有攷其事而修之者
於是郡人侍講袁公桷作爲新志又廿有二年
會部使者贍思父巡行至郡俾重刊舊志與新
書並傳亦旣敘其說於篇端余叨守是邦思所
以巨厯今古補其缺略乃命耆耄之士日與討

論復成績志凡一十二卷庶幾先後該貫觀覽
無遺少裨立國立政之本要以備太史氏之採
擇云至正元年壬午三月既望蠡吾王元恭序
案王元恭博野人至元六年以正議大夫任慶
元路總管府其書後袁桷志而作 四庫未收
各家書目亦未著錄凡分十三門曰沿革曰土
風曰職官曰人物曰城邑曰山川曰河渠曰土
產曰賦役曰學校曰祠祀曰釋道曰集古

齊乘六卷釋音一卷

明嘉靖刊本

溫陵張氏舊藏

元前兵部侍郎郡人于欽思容纂修

羅滄

述

齊乘六卷故兵部侍郎于公志齊之山川風俗郡邑城郭亭館工壘人物而作也古者郡各有志中土多兵難書弗克存我國家大德初始從集賢待制趙忭之請作大一統志蓋欲盡述天下郡邑之盛書成藏之秘府世莫得而見焉于公生于齊官于齊攷訂古今質以見聞歲久始克成編辭約而事核公在中朝爲御史憲臺都事左司員外郎終益都田賦總管以文雅擅名當時既卒其家蕭然獨遺是書于其子潛余官

維揚始得聞之嗚呼齊地之疆民物之夥自古
然也桓公任管仲以成霸業聖人嘗稱其功謂
一變能至于魯後世去古雖遠山川郡邑猶存
革其俗以化其民獨不在夫上之人乎當漢之
始兵戈甫定曹參爲齊相師禮蓋公以清靜化
民齊乃大治茲非其效歟今齊爲山東重鎮所
統郡縣五十有九宦游于齊者獲是書觀之盡
無益乎予於于公之言重有感焉謂三代兩漢
人材本乎學校之教養謂風自漢晉以降愈變
而愈下美昔人之賑饑有道歎近世之採金病

民以稷下學術流于異端以海上求仙惑于神
異斯亦足以慨公之志矣夫公諱欽字容思益
都人潛擢南行臺掾云至元五年己卯冬十月
丙戌朔嘉議大夫江北淮東道肅政廉訪使蘇
天爵序

昔我先人爲國子助教每謂潛曰吾日與諸生
講習所業收則又與翰苑諸名公唱和詩章詩
乃陶冶性情而已若夫有關於當世有益於後
人者宜著述以彰顯焉吾生長於齊齊之山川
分野城邑地土之宜人物之秀此曩彼界不可

不纂而紀之也迨任中書兵部侍郎奉命山東
於是周覽原隰詢諸鄉老考之水經地記歷代
沿革門分類別爲書凡六卷名之曰齊乘藏於
家囑潛曰吾或身先朝露汝其刻之先人既卒
常切切在念第以選調南臺又入西廣匆匆未
遑遂志茲幸居官兩浙始克樽節奉稟命工鏤
板以廣其傳以光先德參政伯修先生已詳序
於前矣有仕於齊者願一覽焉至正十一年辛
卯秋七月奉訓大夫兩浙都轉運鹽使司副使
男潛泣血謹識

杜思序 嘉靖甲子

黃氏手跋曰余於地志書喜蓄舊本惟此尙缺如頃從肆中搜得見其紙墨古雅疑爲元刻且一單之書皆以尋常本而索善價此書估價千餘錢余故喜而購之及攜歸澗養爲余言曰卷中薛子熙訂正爲明時人曾刻三輔黃圖則其爲明刻無疑近復有山東新刻本澗養有之暇日常取一勘云己未冬十一月黃丕烈識

又曰齊乘舊刻頗少近於周香嚴家借一舊抄本行欵差小取對此 同蓋從明刻傳錄而

縮之者也然卷首失去蘇序卷尾失去釋音其
不同多矣余益以是冊爲寶云庚申正月十日

蕘圖

又曰香齋復假余明刻本校舊抄本一過知卷
三中齊邑外屬條下脫去五葉方悔前取借抄
本對時略一展閱僅見其行款相同以爲不相
上下未及逐葉比較致有疏脫爾聞袁氏五硯
樓有此刻本當取之影寫補入如無可仍就抄
本足之其抄本有勝于此刻者擬校勘錄諸餘
紙焉閏月十七日又記

又曰按此是明刻然未究其爲何時所刻頃從
澗黃借得乾隆辛丑胡德琳序本載有嘉靖甲
子杜子容序乃補錄之此刻殆謂嘉靖本歟嘉
慶庚申立春前一日挑燈書此黃蕘圃氏

重修琴川志十五卷

舊抄本

馬笏齋舊藏

宋鮑廉撰元盧鉅修

知常熟州事淮南盧君嘗以古者郡國有圖風
土有記所以備一方之紀載今之志書卽古之
圖記也其可廢乎哉然常熟舊志自宋兵南渡
版籍不存至慶元丙辰縣令孫應時始編次爲

書其後縣升爲州歷年浸遠而是書之存焉者寡且丙辰以後續其所未備者後未有其人非缺典歟乃亟訪孫令所編而重正之合十有五卷仍其舊名而題之曰重修琴川志乎得而讀之然後知君之善爲政也夫士之善爲政者必先其所急以及其所緩爲之衣食以厚民之生爲之教化以淑民之德獄訟以戒其不率賦歛以正其不均此最其所急而不可緩者也至於考其人物之愚智風俗之盛衰以及生產之同異山川之險夷凡此之類蓋差可緩而不可廢

者也故用事於一州者得通敏有爲之士則將
裁正乎緩急之間而不謬其序區別乎先後之
際而不失其宜矣嗚呼若君之在常熟其殆庶
幾於此者乎常熟爲吳之支郡以言其人物則
姬泰伯之所逃夫差項籍之所霸也以言其風
俗則有言游公子札之文雅朱買臣陸機雲兄
弟之馳驟范蠡希文張季膺之慷慨高舉也以
言其生產則陸海鹽絺鍛冶之饒聞於東南也
以言其山川則有海隅鳥目之形勝大江東海
之要害也若此數事蓋皆爲政者之不可以不

考焉者也於是君之下車蓋逾年矣凡州政之所宜急者亦既悉舉而先之而又不廢其所緩
厯考前數事以成乎是書真所謂通敏有爲之士哉昔周官職方氏掌天下之圖與其財用穀
畜之數要周知其利害則志書者蓋三代爲政之法而後世尤謹著之以爲政實今君之爲廼
能先民之所急而後及乎是故曰善爲政也書
將鉉梓以行君命士友陸景元來謂予曰子執
筆史館其言爲足徵幸爲我序之予雖不識君
然聞君之爲政是州者頗悉故直書所聞以授

之使後之人觀之亦足以感發而興起矣君名
鎮字子安以領兵元帥兼知州事云至正乙巳
正月望日金華戴良序

姑蘇爲吳王之故都今爲畿輔之大郡若常熟
則爲郡之大縣自春秋距今千六百餘年其壤
地之間建置之沿革風物之變遷與夫事跡之
涉於理亂善惡之繫於勸懲可書者宜若不可
勝紀余家世東海南渡初曾叔大父光祿公仕
于吳因寓于此余端平乙未方自淮來依宗黨
始至嘗問客曰縣名常熟其義安在其始何時

百之...
客應之曰紹興縣宰題名云梁改南沙爲常熟
命名之義則不知也又問有圖經可以參考否
曰所誌亦同有故老可以質問否曰無可與語
者及觀陸澄吳地紀有吳郡常熟縣之文則齊
代已有常熟之名非改於梁也吁宰是邑生長
是邑雖更易之歲月名稱之意義具不及知它
復何望焉此前人失於紀述故後人無所稽據
遂使名都大邑傳言失實良可歎已龍泉鮑君
廉來綰縣章每以圖志未詳爲缺典於是與邑
之秀民鍾君秀實胡君淳旁搜博采攷古訪舊

哀輯會粹討論是正以增益其所未至迨再考
後始能成編列爲十門條分類析固不敢謂盡
無遺缺然視舊志則粗備也昔周官職方氏掌
天下之圖與其財用穀畜之數要周知其利害
蕭何收秦國籍具知天下阨塞戶口多少疆弱
自非郡國有志風土有記何因而然茲事於縣
政若緩而實切蓋傳今貽後所關者大鮑君可
謂知所先務矣寶祐甲寅中元日胸山邱岳敘
郡有志邑亦有志志非史也所以述史而備記
也聖人之於史亦惟述而不作况邑志乎琴川

舊志荒落丙辰慶元孫應時修飾之更入政庚
午嘉定葉凱始取而廣其傳時久人殊事多闕
且軼覽者病焉於是敘縣以表之有邑此有長
有長此有丞下於丞曰簿尉酒稅是爲縣官鎮
有監察有巡各庀乃職以贊其長故次之以敘
官邑于虞山之陽鄉招眞行山之南境則之秋
報而西迤興福行山之北境則之宣化而北山
縣之鎮也故次之以敘山縣有海隅南沙常熟
之異名又別曰琴川其義蓋內取七港外取五
浦要亦專指水爲言而溝洫之利以之江海之

防以之故次之以敘水邑爲沮洳之區田疇衍
沃而疾于經界之久壞端平始釐正之畝步既
正賦役向平故次之以敘田中興重在江防禁
旅舟師雲屯許水近又增福山新軍而縣之弓
兵聚兵亦所不可廢故次之以敘兵山川蓋靈
秀所畜也虞山瑰奇琴川清澈其鍾而生之者
亦必有異矣故次之以敘人人固有之物亦宜
然土地所出風氣所宜殆不一種故次之以敘
物內之道宮梵宇槩見述縣之目其以靈異著
于鄉都間古迹頗可覈而邑人奉西方教者尤

夥故次之以敘祠若夫斷碑小碣之僅存新珉
近琬之方揭棲墨于垣塗粉于楹亦足爲干占
之證也故以敘文終焉博學宏辭科進功郎新
浙西安撫司準備差遣褚中撰

案琴川志自宋南渡版籍不存其後慶元丙辰
縣令孫應時嘗祖修集迨嘉定庚午縣令葉凱
始廣其傳至清祐辛丑縣令鮑康又加飾之然
後是書乃爲詳悉自是迄今且百餘年願編續
者未有其人而舊梓則已殘毀無遺矣靖惟是
州虞仲子游文化之地不可無紀爰屬耆老願

德昭等徧求舊本公暇集諸士叅攷異同重鈔
諸梓其成書後凡所未載各附卷末總十有五
卷仍曰重修琴川志其續志則始有元焉至正
癸卯秋七月初吉守禦常熟領兵副元帥兼平
江路常熟州知州盧鎮謹識

案鮑廉龍泉人消祐十二年四月以宣教郎知
常熟縣盧鎮字子安淮南人至正中知常熟州
琴川常熟別名其書創自慶元丙辰縣令孫應
時消祐辛丑鮑廉與邑士鍾秀實胡消良輯增
益而始備卷一卷二敘縣卷三敘官卷四敘山

卷五敘水卷六敘賦卷七敘兵卷八敘人卷九
敘產卷十敘祠卷十一至十三敘文卷十四題
詠卷十五拾遺至正乙巳鎮知州事重刊曰重
修者自序所謂舊所未載附之卷末並非改修
也

金陵新志十五卷

元刊元印本

張文貞舊藏

○前奉元路學古書院山長張鉉輯

郡邑之見於世者多矣其間名是而實非語此
遺彼者比比皆是求其紀載有法序事詳密使
人如身履其地而目擊其事者則百不一二見

焉豈以其陵谷之變遷事文之繁縟故紀述有
難詳與不然何其可觀者鮮若是哉甲申春浮
光士張君鉉以其所撰金陵新志首藁見示其
修志本末略曰首爲圖攷以著山川郡邑形勢
所存次述通紀以見歷代因革古今大要中爲
表志譜傳所以極天人之際究典章文物之歸
終以摭遺論辨所以綜言行得失之微備一書
之旨至其終又曰文摭其實事從其綱亦詳矣
哉是年夏集慶路將以是編餞諸梓上之臺令
曰善且以序見屬辭不獲命應之曰是編首藁

固嘗見之而有以知其敘事之詳矣使其中心皆然豈不能使覽者如身履其地而目擊其事哉子聞張君博物洽聞而作事不苟於是編也容有始詳而終略者乎是夏四月初吉奉直大夫江南諸道行御史臺都事索元岱序

集慶路總管府承奉江南諸道行御史臺劄付據監察御史索奉直呈嘗謂陵谷之在霄壤猶有變遷州郡之閱古今豈無因革倘遺文之或泯奚往跡之能明切觀景定建康志者地理有圖人物有傳溪山之勝靡不載風土之宜罔或

遺可以知羣賢出處之機可以見六朝興亡之
迹爰稽故實殊廣見聞惜故板之不存幸殘編
之僅在今不印證久必陸沉如蒙將見在全書
責付集慶路令儒學從新繕梓以廣其傳不特
可備觀覽於邦人亦足以垂監戒於天下其於
風化不爲無補呈乞照詳施行得此施行間又
據集慶路申據儒學申准本學周教授關嘗謂
郡有志書所以考古今之沿革政具方策所以
驗風俗之盛衰此季札過魯得以考歷代之禮
樂爲喜夫子言夏殷之禮亦以文獻不足爲恨

切見集慶一路舊稱三吳都會實爲名勝之邦
古今紀載山川景物英雄忠義之士不一而足
至於志書歷宋景定年至馬裕齋方行修輯完
備惜其舊板已經燒毀不存而近日郡士戚光
妄更舊志率意塗竄遂使名跡埋沒無聞志士
莫不惋惜今次莫若因舊志之已成增本朝之
新創重新繕梓印行亦爲一代盛典豈不遽與
然此未敢擅便申乞照詳得此申乞照驗施行
憲臺依准所言合下仰照驗委官提調於本路
儒學爲根內支撥刊板先具委定職名依准申

臺奉此又准本路判官周奉訓牒呈該准來牒
備奉憲臺劄付自當職提調重刊建康志書等
事除依准外切謂古者諸侯置史以紀國政采
詩以觀民風此國有史記詩有國風之所由也
後世州郡各爲志書亦此之遺意如欲述方冊
之舊聞所合著朝廷之盛治照得集慶爲江南
要郡自我朝混一迄今六十八年中罔恩命之
所加風化之所被臺察之設置州郡之沿革名
宦之政績人才之賢否山川之變遷風俗之移
易與夫忠臣孝子義夫節婦俱有關於政教甚

大苟不廣其見聞攷之事實哀集成編以續前志歲月既久漸致湮沉如蒙以禮故請名儒赴學討論編輯以成其書庶見國家政化之隆臺察紀綱之重然此牒請施行准此行據本路儒學申准本學周教授明道書院房山長關照得景定舊志已行刊雕在手所有續纂新志非仗大手筆未易成就近聞陝西儒官張用鼎名鉉學問老成詞章典雅必得其人事能就緒然非致禮幣詣門啟請豈肯俯臨修纂關請詳酌合用禮物以憑啟請施行准此議備禮幣移委本

路判官周奉訓周教授房山長等親詣寓所啟
請於至正三年五月初十日到局脩纂十月望
成書計壹拾伍卷重行點校繕寫當年十二月
十二日本路帥府判劉知事王教授同於本局
關領呈臺至正四年三月內本路照得近奉憲
臺劄付爲刊脩郡志事行下各州司縣儒學院
務會集耆舊儒職人等講論搜集申到置立衙
門經理田土各各事蹟移委判官周堯親資禮
幣禮請到奉元路學古書院山長張鉉纂成金
陵新志壹拾伍卷計壹拾叁冊發下本備學校

正去後回據狀申本學王教授與學正方自謙
訓導陳顯曾等校正相同如將前項新志刊板
緣實在學糧銷用不敷宜從總府從長規畫分
派刊造便益申乞照詳得此行下本路儒學與
錄判王淵重行計料板物工價參詳張山長纂
撰金陵新志壹拾叁冊儒學會集儒職校正相
同誠爲有補於將來擬合刊板印行以廣其傳
分派溧陽州學刊雕五卷溧水州學明道書院
各刊三卷本路儒學 二卷及序文圖本照
依元料工物合用 錢於各學院錢糧內除破

移委判官師珍知事劉伯貞司吏朱謙監督併
工刊雕申覆憲臺照驗當年五月內承奉江南
諸道行御史臺令史孔准承行劄付該來申爲
刊雕金陵新志板物價錢共中統鈔壹佰肆拾
叁貫貳拾玖兩捌錢玖分九厘送據照磨所呈
照算相同憲臺合下仰照驗依上施行承此

臺府提調官掾職名

江南諸道行御史臺御史中丞董守簡資善都
事樊執敬朝散索元岱奉直石思讓奉議令史
艾宗勉蔡茂正劉孟琛孔淮督工校勘典吏陳

以咸集慶路總管府府判周珪奉訓師珍承直
知事劉伯貞

臺府官掾職名

江南諸道行御史臺御史大夫脫歡御史中丞
卜顏董守簡任擇善侍御史沙班馮思溫王紳
治書侍御史順昌秦從德經恩烏刺沙納速而
丁都事樊執敬索元岱石思讓照磨趙儼默好
古管勾部汝能蓋繼祖監察御史阿思蘭不花
撒八兒委脫歡僧奴荅失蠻太八刺太平完者
帖木兒美里吉歹買閻完澤帖木兒張思誠王

武楊秩張珪王朶羅歹李貞一石思讓王時可
哈海赤壽昌趙翔常有恒王永澄丁好禮楊惠
令史蔡茂正費訛房圭趙瑄任性善蘇德信劉
孟琛薩德彌賈孔淮王鵬也先帖木兒李忠梅
友賢艾宗勉趙範完者不剌通事伯顏譯史阿
沙喜山安住知印賈柱伯顏宣使段汝舟德壽
和尚吳謙普顏帖木兒僧三不花大悲奴月忽
難典吏張梓吳允恭許鎬樂敬直庫子劉允郝
元良薩都刺察院書吏順僧陳仲信呂嗣祖邵
處義周宗魯慕完楊旭朱明質劉偉闡術張弘

武瑛高守中耿權道石允中野仙忽都魯邵忠
程伯榮許瑞呂謙苑天常集慶路總管府達魯
花赤帖兒總管張塔海帖木兒同知羅里治中
廉青山府判周堽師珍推官高仲榮劉忠經歷
牛明善知事劉伯貞

蘇州府志五十卷圖一卷

明洪武刊本 黃堯圃舊

四郡人盧熊輯

宋濂序

宏武十二年

張氏金吾曰始沿革終集文而冠之以圖一十
八圖後各繫以說吾郡自吳郡志後宋章憲元

趙鳳儀遞有撰述皆未克竣事盧氏芟繁撮要
損益舊志勒爲成書一郡文獻釐然大備攷吾
郡掌故者以之繼吳郡志焉可也

滇略十卷

明刊本

明晉安謝肇淛輯

薛承教序

吳興備志三十二卷

舊抄本

明董斯張撰

右地理類都會郡縣之屬